

2017 - Ciamp dl sport da La Ila nù

Inviato da Ubi

Ultimo aggiornamento domenica 07 gennaio 2018

Ciamp dl sport da La Ila nù !Sostituziun dl'erba sintetica con na nòia de ultima generaziun

Ala fin de lujio dl 2003 ele le ciamp dl sport da La Ila gnü curi cun en erba sintetica. Al è stè un di prüms ciamps da soghè al palon dla provincia de Balsan che à ciafè en erba sintetica. Chèsc fo y è por nos tres sciamò en gran aiüt deache al se permèt da soghè ince ite por l'altonn y da d'ainsciüda adora. Dal momènt che nosc ciamp è a 1.500 m de altèza y che le program di campionac stabili dales federaziuns (FIGC y VSS) se oblighèia a soghè dandaldüt da d'altonn y da d'ainsciüda unse bele punsè da realisè tl 2003 en ciamp cun erba artificziala. Chèsc ciamp sintetich è stè dèr üt deache al se à pormetü da soghè dütes les partides y dandaldüt duc i alenamènc con vigni tèmp sènza rovinè le ciamp sciöche al è suzedü dal 1978 fina al 2003.

Tres la Figc mæss chësta erba sintetica gnì omologada vigni 4 agn (inlaota vigni 2 agn) por podèi soghè partides ofiziales.

Tl ann 2014 ele le ciamp ma plö gnü omologhè por un en ann y do avèi damanè na deroga, che è gnüda conzedüda, un ciamp podü soghè fina al 2017 ruvan a en punto che sun stà obligà a to fora la vedla erba artificziala y la baratè fora con na erba sintetica nòia por podèi jì inant con nosta atività.

Con en gran finanziaimènt da pert dl comun de Badia che à capì la situaziun y con gran sensibilità te cunfrunt dl US Alta Badia ince giulan a nosta gran attività sun stà bogn da fa piè ia chèsc gran proiet de realizaziun de na erba sintetica nòia de ultima generaziun.

Dal momènt che ince te chèsc cajo la FIGC scrì dant tröpes condiziuns unse messü tignì cunt de dütes chëstes. La FIGC pertènd che al vègnes elaborè en proiet che vègn menè a Roma por l'aprovaziun. Laprò esun obligà a fa en implant de irigaziun y ince na canaletta incër düt le ciamp olache l'ega po jì ite y sen jì demez. Laprò omologhèia la FIGC ince la composiziun dl material sot l'erba sintetica alado sciöche ai la scrì dant y chèsc se à portè a messèi fa ince en gran intervènt sön le vedl ciamp do avèi tut fora l'erba artificziala vedla. Do düta chësta prozedüra vègnel ala fin metü jö l'erba sintetica (6 cm alta) nòia olache al vègn metü ite 1cm de saurun al quarz por tignì jö l'erba y sciöche ultimo ele da mèt 4,5 cm de granulat sintetich lassura.

Por le proiet y la direziun di laurs è gnü inciariè l'injinier Stefan Marcher che à dejmostrè gran competènza y impègn. Do l'aprovaziun dl proiet da pert dla FIGC à le Comun de Badia scrit fora i laurs por en import de 498.000 euro de laurs plö ca 100.000 de spèises de aministraziun (Iva, Irpèf, proiet, omologaziuns i.i.i.).

Cinch dîtes a tut pert al'apalt. Ciafè i laurs à la firma Italgreen da Villa d'Adda - Bergamo che à ofrì na riduziun dl 22% sön le capitolato. La Italgreen è la firma che realisèia plö ciamps sintetich tla Talia con na gran esperiènza sön chèsc ciamp.

I laurs è gnüs scomencià ai 21 de agost 2017 y messa durè do le program preodü fina al 31 de otober (70 dis). Chisc laurs è jüs bun inant fina che al gnü la nèi che à blochè la realizaziun a püc dis dala fin (ala fin mancel ca en edema de laur).

Sègn messun aspetè al'ainsciüda por ruvè ia i laurs y podèi se la confortè duc canc a soghè söl ciamp nù che a dejferènza dl vedl sarà tröp plö sann che è la cosa plö bela y importanta por duc nòsc jogn.

En gran ringraziamènt ti va al Comun de Badia, al umbolt Jaco Frenademez, al assessur al sport Elmar Castlunger, ala la Giunta de Comun y al Consèi.